

“Ixtisoslashtirilgan maktabda sifatsiz forma” nomli murojaatga rasmiy MUNOSABAT

Prezident ta’lim muassasalari agentligi tizimidagi ixtisoslashtirilgan maktablar uchun forma sotib olish, buyurtma berish yoki aniq tadbirkorlik subyektlari bilan shartnomaga tuzish yoxud ulardan forma sotib olish bo‘yicha Agentlik tomonidan biror bir ko‘rsatma berilmagan bo‘lib, Agentlik yoki maktablarda bunday vakolat ham mavjud emas.

Shuningdek, Agentlik tizimidagi biror bir maktabda shunday holat sodir etilgan taqdirda, asoslantirilgan faktlar mavjud bo‘lsa, bu to‘g‘risida Agentlikka to‘g‘ridan-to‘g‘ri murojaat qilish so‘raladi (tel.:71 207-20-17).

Forma bo‘yicha narxlar bozor sharoitidan kelib chiqib tadbirkorlar tomonidan belgilangan va har bir ota-onada farzandiga o‘zi istagan joydan kiyim-bosh sotib olishi mumkin.

Qo‘sishimcha sifatida eslatib o‘tish lozimki, tuhmat, ya’ni bila turib yolg‘on, boshqa bir shaxsni sharmanda qiluvchi uydirmalarni tarqatganlik uchun O‘zbekiston Respublikasi Ma’muriy javobgarlik to‘g‘risidagi kodeksining 40-moddasida, shuningdek, nashr qilish yoki boshqacha usulda ko‘paytirilgan tarzda, shu jumladan ommaviy axborot vositalarida, telekommunikatsiya tarmoqlarida yoki Internet jahon axborot tarmog‘ida joylashtirish orqali tuhmat qilganlik uchun O‘zbekiston Respublikasi Jinoyat kodeksining 139-moddasida javobgarliklar nazarda tutilgan.